

COVID-19 Tekanhratáhstha ne Ratiksa'okón:'a nok Nithotiòn:sas raoná:wen

Kanohstá:ton ne tekanhratáhstha, ioianeráhstha táhnon aonhá:'a tuiánere ne tsi ní:ioht tsi ahsheia'tanónhstate ne sheién:'a nok sahwá:tsire ne tóhsa ahotií:na ne COVID-19, ne ó:ni ne tewatehnhraténion. Tsi náhe é:so niionkwè:take ohwentsiakwé:kon ne Oniatari:io rotiiéntá:'on ne raoná:wen COVID-19 tekanhratáhstha, ionkwatérien:tare tsi ta'hón:wa sá:ien ne karihwanóntha ne aorihwá:ke ne ratiksa'okón:'a (wisk tsi ní:re 11 na'tehonohseriá:kon) táhnon nithotiòn:sas (12-17 na'tehonohseriá:kon) ahotiíén:ta'ne ne tekanhratáhstha. Kí:ken ne takarihwa'serakohà:ton ne nahò:ten ótia'ke iotkà:te ierihwanóntha.

1. Oh nontí:ren tsi e'thóhtsi aiakoién:ta'ne ne COVID-19 tekanhratáhstha ne kheién:'a?

Tóka' ratiksa'okón:'a nok nithotiòn:sas enhotiíén:ta'ne ne tekanhratáhstha eh enhotií:enawa'se ne ka'shátste tsi enhotiia'tanohstá:tonke ne kí' tóhsa ahotií:na ne COVID-19 táhnon tewatehnhratényon, sénha enkanohstá:tonke ne iontaweia'táhkwa nok enwatehnhotónkwenke, táhnon tenká:tahste tsi watereniá:tha ne kánhra. Kí:ken enhotií:enawa'se ahotiia'tanohstá:ton ne ó:ia kahwatsí:raon ratií:tare ó:ni, kwah né:ne tsi ní:re 11 na'tehonohseriá:kon né:ne iah árok tehatikwénies ahotiíén:ta'ne ne tekanhratáhstha, tóka'ni sénha rotitsi'io:ha rotikstén:ha.

2. Tó: nikari:wes e'thóhtsi akaterhá:rate tsi na'tekiátère ne kheién:'a tiotierénhton iakoiéntá:'on táhnon tekeníhaton aiakoién:ta'ne ne COVID-19 tekanhratáhstha?

Ratiksa'okón:'a wisk tsi ní:re 11 na'tehonohseriá:kon enhotiíén:ta'ne ne ratiksá:'a raoná:wen Pfizer COVID-19 tekanhratáhstha, táhnon nithotiòn:sas 12 tsi ní:re 17 na'tehonohseriá:kon enhotiíén:ta'ne ne Pfizer COVID-19 tekanhratáhstha. Ne káti aonhá:'a entiakoiá'tanohstá:tonke, ne National Advisory Committee on Immunization (NACI) [rati'nikonhrá:wi sha'té:kon niwén:take aionterhá:rate](#) tsi na'tekiátère ne tiotierénhton nok tekeníhaton tsi iakoién:ta's. Kí:ken karihwénhton né:'e tsi we'néston tsi tóka' sénha kari:wes aionterhá:rate tsi na'tekiátère tsi



iakoién:ta's né:'e aontakarihón:ni sénha ka'shátste tsi aontakarihwa'será:ko ne kanohwakténhsera tekatahstha táhnon sénha enioianeráhsten ne tekanhratáhstha né:ne sénha kari:wes eniotié:nawahste.

3. Kwah ken tokén:'en tsi ronatkan'sénion ne COVID-19 tekanhratáhstha ne kí' ahotiíén:ta'ne ne ratiksa'okón:'a nok nithotiòn:sas? Oh ní:ioht tsi aonktó:kenhse tsi kanohstá:ton?

Ata'karitétshera Koráhne ne aonhá:'a tetkarihwaiehstánion ne tsi ní:ioht tsi rotiióténion naonsahóntken'se tsi iohwentsiá:te táhnon ne ok ne enhatirihwanón:we'ne ne tekanhratáhstha tóka' kanohstá:ton, ioianeráhstha, táhnon karihwáhseres ne kaianerenhserá:ien. Itohétston kwah tokén:'en wahóntken'se ne nahò:ten wè:ne, Ata'karitétshera Koráhne tehotiia'toréhton tsi kanohstá:ton ne COVID-19 tekanhratáhstha táhnon ioianeráhstha tsi wahtentiá:tha ne kanohwakténhsera tekatahstha ne COVID-19 ratií:takon ne ratiksa'okón:'a nok nithotiòn:sas.

Ne ratiksa'okón:'a wisk tsi ní:re 11 na'tehonohseriá:kon raotirihwá:ke, Ata'karitétshera Koráhne ratiirihwá:wi ne tékeni-dose ne Pfizer tekanhratáhstha ne ratiksá:'a raoná:wen, né:ne tka'seronénhton tsi ní:kon í:wa né:ne kakwatákwen ne ok ratiksá:'a raotirihwá:ke, tsi ní:ioht ne tékeni-dose tekanhratáhstha né:ne ihsi nón:we ne 12 na'tehonohseriá:kon raoná:wen.

Kenh nón:wa ní:re, é:so ratiksa'okón:'a né:ne wisk tsi ní:re 11 na'tehonohseriá:kon ó:nen rotiiéntá:'on ne ratiksá:'a raoná:wen Pfizer tekanhratáhstha

Wahstonhronòn:ke nón:we, táhnon arok the teiawén:'on ne taiako'nikonhrhà:ren ne kenh niió:re.

4. **Sénha ken tka'seronnéhnton nahò:ten ionttó:ka's ne ratiksa'okón:'a nok nithotiòn:sas nó:nen COVID-19 iakoié:nas?**

Tsi náhe ratiksa'okón:'a nok nithotiòn:sas né:ne COVID-19 wahotiié:na iotká:te tka'seronnéhnton nahò:ten ronttó:ka's, ótia'ke enwá:ton kwah í:ken tsi aiakononhwákten, iakawenheiontaientáhkwa niá:ien, ICU iaiontáweia'te tóka'ni se' aiáiheie. Ronatia'kéhshon enwá:ton sénha teioterien'thá:ra nok kari:wes tsi ahonttokà:sheke (i.e. kari:wes COVID-19, post-acute COVID-19 syndrome).

Ne COVID-19 tekanhratáhstha eniakoié:nawá'se sheién:'a taiehnhrá:tahste tóka' wa'akoié:na táhnon entka'serón:nenhte ne nahò:ten eniónttoke. lah kwah nek ne enhotiiá'tanónhstate ne tóhsa ahotiié:na ne COVID-19 ne ratiksa'a nok nithotiòn:sas, ne ò:ni entka'serón:nenhte tsi niwate'shén:naien aonteréniá'te ne kánhra táhnon eniakoié:nawá'se ne o'nikón:ra aota'karitétsheera táhnon tsi niaakonhi'io né:'e tsi enwá:ton akó:ren skátne ahontéweienhste, tahontkén:ni táhnon tahatilhtharónnion ne kahwá:tsire, ronatenróhshon táhnon ne sha'tehotí:ions.

5. **Ne ken shá:ka ne tsi ní:kon enhotiién:ta'ne ne ratiksa'okón:'a wisk tsi niió:re 11 na'tehonohseriiá:kon ne COVID-19 tekanhratáhstha ne tsi ní:ioht ne ronatia'kéhshon?**

láhten. Ratiksa'okón:'a wisk na'tehonohseriiá:kon tsi niió:re 11 enhotiién:ta'ne ne ratiksa'a raoná:wen Pfizer tekanhratáhstha, né:ne énska ne áhsen na'tekaiá:khon ne tsi ní:kon shakoná:wis ne tsi niiá:kon íhsi nón:we ne 12 na'tehonohseriiá:kon, né:ne tékeni-dose eniakoién:ta'ne sha'té:kon niwén:take tsi na'tekiátere.

6. **Rotitokéhse ken nahò:ten enkarihwè:son tsi enhonttokhà:sheke nó:nen COVID-19 tekanhratáhstha enhotiién:ta'ne ne ratiksa'okón:'a?**

Sénha iókste ne tsi ní:ioht tsi eniakoié:nawá'se tóka' COVID-19 tekanhratáhstha eniakoién:ta'ne ne tsi ní:ioht ne tóka' othé:nen aiónttoke iotohétston eniakoién:ta'ne. Tahón:wa COVID-19 aontakarihón:ni tsi sénha kari:wes enionttokhà:sheke táhnon nia'té:kon teniakon'nikonhrhà:ren ne ata'karitétsheera aorihwà:ke ne ótia'ke ón:kwe, ne ò:ni ne ratiksa'a, ne eh ne aori:wa tsi iorihowá:nen eniakoién:ta'ne ne tekanhratáhstha tsi nióhnsó:re tsi enwá:ton.

7. **To niotká:te tsi myocarditis táhnon/tóka'ni pericarditis nihotiiá:tawen's ne nithotiòn:sas?**

Kwah ken' níkon:'a tsi niawén:'on ne myocarditis (taionà:khwen ne awé:ri aowasè:ta) táhnon/tóka'ni

pericarditis (taionà:khwen atstè:shon nonkwá:ti ne awé:ri) iotohétston iakoiéntá:'on ne tekanhratáhstha. Thóha akwé:kon nahotiiá:tawen ne nithotiòn:sas rotiskenhrakéhte tsi na'tekiátere ne 18 nok 30 na'tehonohseriiá:kon iotohétston tekeníhaton dose rotiiéntá:'on ne tekanhratáhstha, táhnon thóha akwé:kon tka'seronnéhnton tsi wahotinonhwákten táhnon ióhnsó:re sahatiie'wén:ta'ne.

Myocarditis/pericarditis niaakoiá:tawen's iotohétston ne COVID-19 mRNA tekanhratáhstha iakoiéntá:'on né:'e wakén:re tsi niiá:wen's iotohétston tekanhratáhstha iakoiéntá:'on (AEFI), né:ne tewaterihwahthè:ton ne Canadian Immunization Guide tsi ne ok ne 0.01 percent ok niiá:wen's tsi niió:re ne ká:ro nón:we ne 0.1 percent. Myocarditis táhnon pericarditis sénha wate'shén:naien naiá:wen iotohétston ne COVID-19 aionhrá:ra'ne tsi ní:ioht ne COVID-19 tekanhratáhstha eniakoién:ta'ne.

Ne National Advisory Committee on Immunization (NACI) tahonatkantahkwenhátie tsi ratí'nikonhrá:wi ne eniakoién:ta'ne ne mRNA COVID-19 tekanhratáhstha ne akwé:kon tsionkwe'ta'ó:kon né:ne íhsi nón:we ne wisk na'tehonohseriiá:kon ahse'kén kwah í:ken tsi kaweién:te ne tekanhratáhstha tsi kaió'tats ne aiakononhwákten táhnon ok naiá:wen né:ne teioterien'thá:ra (i.e., iakawenheiontaientáhkwa niá:ien, aiáiheie) né:ne COVID-19 takarihón:ni. NACI ratí'nikonhrá:wi tsi ratiksa'a nok nithotiòn:sas e'thóhtsi sha'té:kon niwén:take ahonterhá:rate tsi na'tekiátere ne tiotierénhnton táhnon tekeníhaton tsi eniakoién:ta's ne COVID-19 tekanhratáhstha. Kí:ken na'teká:ron sénha aontaka'serón:nenhte tsi wate'shén:naien naiakoiá:tawen ne myocarditis táhnon/tóka'ni pericarditis.

8. **Oh neniohtónhake tsi eniakoién:ta'ne ne tekanhratáhstha ne kheién:'a?**

Enshatihserón:ni ne tsi nonwéhshon COVID-19 tekanhratáhstha shakoná:wis ne ratiksa'okón:'a wisk tsi niió:re ne 11 na'tehonohseriiá:kon ne sénha aionakti:io'ne ne ratiksa'a raotirihwà:ke. Ne kí:ken karátie ne aionakti:io'ne tsi ionttó:ka's aorihwà:ke kwah né:ne tka'seronnéhnton tsi niiorakaré:ni táhnon tka'seronnéhnton tsi na'teiohahseráhthe, táhnon niwà:sa tionakténion enwatkwatákwen ne kí' enwá:ton sheién:'a ensenè:seke nó:nen tekanhratáhstha eniakoién:ta'ne.

Ne ò:ni, akwé:kon ata'karitétsheera kentiohkwa'shón:'a clinic enhatikétsko tsi iontaweiá'táhkwa táhnon ákta nón:we ne kí' sénha watié:sen eniakoién:ta'ne táhnon aiontatenaktóthahse tsi nón:we kanonhstá:ton ne aiontáwé'ehste ne tekanhratáhstha. Clinic enhatikétsko iotohétston tsi ronteweiénhstha (e.g. o'karahsnéha nok tsi na'tekontentaterénion) ne

akahretsiá:ron tsi enwatié:sen'ne nok enionaktó:ten ne ratiksa'okón:'a nok kahwatsire'shón:'a raotirihwà:ke.

Wisk tsi niió:re 11 na'tehonohseriá:kon ratiksa'okón:'a ronwatié:ta' tóka'ni ronwatinónhna's, tká:konte aiontaterihon ne ontatién:'a akorihwà:ke tsi náhe ne iekwáhtos tóka'ni aiontatsén:naren ne karihwá:wis kahiatónhsera ne ontatién:'a akorihwà:ke.

9. Othé:nen ken eniónttoke tóka'ni naiakoiá:tawen ne kheién:'a?

Kwah né:ne othé:nen tekanhratáhstha, ta'nón:wa ok nahò:ten tka'seronnéhnton eniónttoke ne sheién:'a né:ne enwahtentióne ne tóhkara nenkahwístá:'eke tsi niió:re ne tóhkara niwenhniserá:ke iotohétston tsi iakoiéntá:'on ne tekanhratáhstha. Kí:ken niaiakoiá:tawen's ionttó:ka's ne kén:ton tsi tsia'tá:ke ioi'otátie aka'shátsten'ne ne kanonhwakténhsera tekátáhstha ne tóhsa aesaié:na ne COVID-19 iotohétston aesaién:ta'ne ne tekanhratáhstha. Thikén:'a i:ken tsi ionttó:ka's ta'nón:wa naiá:wen ne enionekwénhtara'ne táhnon enwá:tohwe ienentshá:ke tsi nón:we iontatawe'éhston, aiako'serénhtara'ne, aiakowase'tananón:wake, aiakonontsistanón:wake tóka'ni tka'seronnéhnton tsi iako'tonhkwárhos.

Tóka' sheién:'a ok naiónttoke né:ne tesa'nikonhráha tóka'ni á:ienhre tsi iah tetka'seronnéhnta iotohétston ne tóhkara niwehniserá:ke, takí:tenhre ia'sheiatewenná'táhse ne teiesatsién:tha.

10. Nahò:ten e'thótsi naióntiere ne kheién:'a tóka' ok nahò:ten aiónnttoke iotohétston tsi aiakoién:ta'ne ne tekanhratáhstha?

Tóka' ahseniá'tarà:reke tsi nón:we iesawe'éhston ta'nón:wa ensaié:nawá'se tóka' iononhwákte tóka'ni ió:ton. Tóka' teiotionhwentsi'ohon, tesenihtá:rahkw ne iakotshináhken tóka' thótsi ahshní:non ne wahkará:rens tekátáhstha onónhkwa tóka'ni iako'tonhkwárhos onónhkwa, né:ne ta'nón:wa ensaié:nawá'se tóka' sanontsistanón:waks, sawase'tanón:waks táhnon sen'tonhkwárhos. Iah teka'nikonhrá:wi ahsenékwaien ohén:ton tsi niió:re tekanhratáhstha aesaién:ta'ne ne ahsate'nién:ten táhstahste othé:nen ahsáttoke.

11. Eniakokarón:ni ken tsi iekwénies aiakowiraién:ta'ne ne kheién:'a ne COVID-19 tekanhratáhstha?

COVID-19 tekanhratáhstha iah tetkarihón:nis ne rohskenhrakéhte tóka'ni tsiakothonwi:sen taká:tahste tsi ratikwénies ahotiwiraién:ta'ne.

12. Ate'shén:naien ken ok aiakoiá'te ne kheién:'a tóka' COVID-19 tekanhratáhstha aiakoién:ta'ne?

Kwah i:ken tsi wakèn:re ne ok naiónttoke iotohétston ne COVID-19 tekanhratáhstha aiakoién:ta'ne. Ne kí'

akanonhstá:tonke, akwé:kon né:ne eniakoién:ta'ne ne tekanhratáhstha enhonwatika'é:n:ion ne 15 nikahikará:ke nikari:wes tóka' shi:ken aiakoiá'te.

Tóka' íhshre tsi sheién:'a ta'nón:wa iakoiá:tha iotohétston wetsiahtén:ti ne tsi nón:we wa'ontatáwe'éhste, iakawenheiontaientáhkwa niaháhse tóka'ni 911 ia'sheiatewenná'táhse.

Watena'tón:ni tsi iakoiá:tha tóka' teionthonrió:raraks, iakonehkontónnion's tóka'ni ió:ton ne iekonhsá:ke tóka'ni iehá:takon.

Tóka' sheién:'a ó:nen ok iakoiá'tón:ne ne tekanhratáhstha tóka'ni onónhkwa, tesenihtá:rahkw kí:ken ne sheién:'a shakotsién:tha ohén:ton tsi niió:re ahshakówe'éhste.

13. Enhotihiatonhseraién:ta'ne ken né:ne katokénhstha tsi rotiiéntá:'on ne tekanhratáhstha?

Hen. Tekanhratáhstha kahiatonhseri:io né:ne QR kahiatóhkware enwá:ton ahotiién:ta'ne ne ratiksa:'a wisk tsi niió:re 11 na'tehonohseriá:kon tsi nón:we ne COVID-19 tekanhratáhstha portal ne enkarihwahnirá:ton tsi rotiiéntá:'on ne tekanhratáhstha.

Nek tsi, iah othé:nen tekaianerenhserá:ien ne ratiksa'okón:'a wisk tsi niió:re 11 na'tehonohseriá:kon ahontena'tónhahse ne karihwahnirátstha kahiatónhsera tsi tekanhratáhstha iakoiéntá:'on Oniatari:io nón:we. Ta'nón:wa tenkontihánionke ne aé:ren kanakerahseraién:ton.

14. Ka'nón:we enwá:ton sénha aonktó:kenhse?

Ia'skwáhtso ne [Ontario.ca/covidvaccinekids](https://ontario.ca/covidvaccinekids) ne sénha aesató:kenhse ne COVID-19 tekanhratáhstha né:ne ratiksa'okón:'a raoná:wen aorihwà:ke.

Enwá:ton ò:ni ahsheiatewenná'táhse ne Provincial Vaccine Contact Centre ne taesenihtá:ren ne ónhka'k ierihwaiénté:ri tóka'ni ata'karitétsshera ierihwaiénté:ri ne kenh nón:we 1-833-943-3900 (TTY ne tsi niiá:kon teionhonhtakwé:kon, iah teiakothón:te's tóka'ni iah teiekwénies aiontá:ti: 1-866-797-0007), 300 niwahronkha'tsherò:tens enwá:ton aetsiatewennón:tahkwe, tsiá:ta niwenhniserá:ke tsi niwén:tehs, 8:00 orhon'kè:ne tsi niió:re ne 8:00 o'karahsnéha.

Ne ò:ni, enwá:ton ahsheiatewenná'táhse ne SickKids COVID-19 Vaccine Consult Service ne ahserihwahserón:ni taesenihtá:ren ne SickKids tewáthsnie tsi sá'tston ne sickkids.ca/vaccineconsult, tóka'ni ia'sheiatewenná'táhse ne 1-888-304-6558. Enwá:ton nia'tewahronkha'tsherá:kon aiontewennón:tahkwe tsi wátston ne teiehtharakhwá:ke teiontatewennateni'ón:nis.